



BARALLA

REGISTRO SAIDA

2017-S-RC-200

15/02/2017 13:36



## Concello de Baralla

Pola presente procedo a remitir a seguinte documentación:

- Certificación do acordo “MOCIÓN DO BNG RELATIVA Á IMPOSICIÓN DUNHA TAXA POLA UTILIZACIÓN OU APROVEITAMENTO DO DOMINIO PÚBLICO LOCAL POLAS EMPRESAS TITULARES DAS INSTITUCIÓNS DE TRANSPORTE DE ENERXÍA ELÉCTRICA, GAS OU HIDROCARBUROS” que foi aprobado polo Pleno en sesión ordinaria celebrada o día 27 de Xaneiro de 2017.

Baralla, 15 de febreiro de 2017.

A SECRETARIA,

Asdo. Elisa Muñoz Álvarez.

DOCUMENTO ASINADO DIXITALMENTE Á MARXE



ELISA MUÑOZ ÁLVAREZ (1 para 1)  
SECRETARIA-INTERVENTORA  
Data de Sinatura: 15/02/2017  
HASH: 0d152eb06008b41062111313a98c0b0



FEGAMP

SANTIAGO DE COMPOSTELA

Concello de Baralla

Avda. Evaristo Correa Calderón, 58, Baralla. 27680 Lugo. Tfno. 982363303. Fax: 982363221



Cod. Validación: 3T4HLEPN+J5L3D7XKQ7OS4HGM | Corrección: http://baralla.sedelectronica.es/  
Documento asinado electronicamente desde a plataforma xestiona esPublico | Páxina 1 a 1



## Concello de Baralla

D<sup>a</sup>. ELISA MUÑOZ ÁLVAREZ, SECRETARIA - INTERVENTORA DO CONCELLO DE BARALLA (LUGO).-

CERTIFICO: Que o Pleno deste concello en sesión ordinaria celebrada o día 27 de Xaneiro de 2017 entre outros, adoptou o acordo do seguinte teor literal:

“MOCIÓN DO BNG RELATIVA Á IMPOSICIÓN DUNHA TAXA POLA UTILIZACIÓN OU APROVEITAMENTO DO DOMINIO PÚBLICO LOCAL POLAS EMPRESAS TITULARES DAS INSTITUCIÓNS DE TRANSPORTE DE ENERXÍA ELÉCTRICA, GAS OU HIDROCARBUROS

Xosé Manuel Becerra Pardo, portavoz municipal do BNG de Baralla, presenta a seguinte

***MOCIÓN RELATIVA Á IMPOSICIÓN DUNHA TAXA POLA UTILIZACIÓN OU APROVEITAMENTO DO DOMINIO PÚBLICO LOCAL POLAS EMPRESAS TITULARES DE INSTALACIÓNS DE TRANSPORTE DE ENERXÍA ELÉCTRICA, GAS OU HIDROCARBUROS***

*O grupo municipal do Bloque Nacionalista Galego, ao abeiro do Regulamento orgánico municipal, presenta a seguinte proposición, para o seu debate en Pleno, relativa abordar o estudo, tramitación e aprobación dunha taxa pola utilización ou aproveitamento do dominio público local polas empresas titulares de instalacións de transporte de enerxía eléctrica, gas ou hidrocarburos*

***EXPOSICIÓN DE MOTIVOS***

*O Tribunal Supremo vén de avalar en diversas sentenzas que os concellos graven as empresas titulares de instalacións de transporte de enerxía eléctrica, gas ou hidrocarburos pola utilización do dominio público local cun cálculo que excede o valor catastral dos terreos e que inclúe a súa utilidade.*

*Fronte á pretensión de anulación de diversas ordenanzas municipais que fixaron unha taxa específica con ese obxecto, emitíronse de momento cinco sentenzas que sentan doutrina dando a razón aos concellos e pechan un longo enfrontamento entre municipios e compañías, sobre todo eléctricas, que se negaban a pagar estas taxas.*

*Estes fallos, contrarios a Unión Fenosa, Gas Galicia e Red Eléctrica, e con impacto directo no resto do sector eléctrico e tamén noutros sectores que empregan o dominio público para o transporte de gas ou hidrocarburos, requiren que as ordenanzas fiscais regulen unha taxa pola utilización privativa ou aproveitamento especial do dominio público local das instalacións de transporte de enerxía eléctrica, gas e hidrocarburos. Ademais, tamén se validan os criterios empregados polos informes técnico-económicos onde se valora o solo ocupado como se esas liñas e canalizacións se tratasen de*

Concello de Baralla

Avda. Evaristo Correa Calderón, 58, Baralla. 27680 Lugo. Tfno. 982363303. Fax: 982363221





## Concello de Baralla

---

*construcións a efectos de calcular a base impoñíbel da taxa.*

*A Lei Reguladora das Facendas Locais estableceu en 2004 que as empresas eléctricas, de gas, de auga e hidrocarburos están obrigadas a pagar unha taxa fixada por un informe técnico-económico por atravesar o dominio público local, aínda que non os subministren. Malia esa habilitación legal, e unha vez se aprobaron ordenanzas reguladoras para fixar esa obriga de xeito concreto, as empresas non aboaron nunca dita taxa, amosando belixerancia e conflitividade xudicial contra as entidades locais que a impulsaron, negando uns recursos lexítimos ás entidades locais necesarios para poder afortalar os servizos locais.*

*As propias sentenzas emitidas avalan o cálculo das tarifas da taxa de acordo cun estudo técnico-económico onde se empregan como criterios para obter o seu valor a suma do valor catastral do solo rústico con construcións co valor das instalacións, e a base impoñíbel é resultado de multiplicar ese valor do inmóbel ao coeficiente de relación co mercado e a ocupación en metro cadrado que corresponde a cada metro lineal. Así, a cota a pagar sitúase entre 3.000 euros e 12.000 euros por metro lineal no caso das instalacións de transporte eléctrico, segundo o tipo de tensión -baixa, media ou alta-, e no que atinxe ás de transporte de gas, oscila entre os 500 euros e os 4.000 euros.*

*Aclárase expresamente que é legal a pretensión dos concellos de gravar a utilidade que lle reporta ás empresas de enerxía, gas ou hidrocarburos a utilización privativa ou o aproveitamento especial do solo que forma parte do dominio público, con exclusión doutros usos, para unha actividade netamente industrial consistente en transportar e distribuír enerxía eléctrica (partindo dos casos axuízados nas sentenzas) mais tamén gas ou hidrocarburos (ao estenderse a dito obxecto as ordenanzas validadas xudicialmente).*

*Unha vez resolta a controversia xudicial a prol dos concellos, cómpre iniciar os procesos e trámites necesarios para poder facer efectiva a taxa pola utilización ou aproveitamento do dominio público local polas empresas titulares de instalacións de transporte de enerxía eléctrica, gas ou hidrocarburos neste concello.*

*En base ao exposto, o Grupo Municipal do BNG, solicita do Pleno da Corporación Municipal a adopción do seguinte*

### **ACORDO**

*Iniciar os estudos e xestión necesarias para a tramitación e aprobación, a través da correspondente ordenanza fiscal reguladora, dunha taxa pola utilización ou aproveitamento do dominio público local polas empresas titulares de instalacións de transporte de enerxía eléctrica, gas ou hidrocarburos nos termos das sentenzas do Tribunal Supremo que así o avalan.*

---

Concello de Baralla

Avda. Evaristo Correa Calderón, 58, Baralla. 27680 Lugo. Tfno. 982363303. Fax: 982363221





## Concello de Baralla

---

O concelleiro do PS de G-PSOE Don José Jaime González del Río di que quere, unicamente, engadir que máis que a problemática dos incrementos da luz e dos distintos sistemas enerxéticos, isto ven derivado da privatización dunha serie de servizos e pensan que certo tipo de servizos básicos deberían ser nacionais.

A alza dos prezos non ten que ver con temas de mercado se non con especulacións puras e duras.

O Alcalde di que a moción é oportuna e está ben. Nesta mesma semana sae na prensa as declaracións do Alcalde de Palas neste sentido e a adopción, do acordo de dirixirse á FEGAMP e á Deputación Provincial de Lugo para solicitarlles a elaboración dun estudo económico previo á elaboración da ordenanza.

Nestes termos a moción é aprobada por unanimidade.”

Para que así conste, estendo o presente co visto e prace do Sr. Alcalde, D. Manuel J. González Capón e coa reserva do previsto no art. 206 do Regulamento de Organización, Funcionamento e Réxime Xurídico das Entidades Locais.

Baralla, 10 de Febreiro de 2017.

Vº e Pr.

O ALCALDE,

DOCUMENTO ASINADO DIXITALMENTE Á MARXE

---

Concello de Baralla

Avda. Evaristo Correa Calderón, 58, Baralla. 27680 Lugo. Tfno. 982363303. Fax: 982363221

